



Australian Government



## Work Experience: Voluntary Work

Ang Voluntary Work (Boluntaryong Trabaho) ay maaaring makatulong sa iyo na magkaroon ng mga kasanayan at karanasan, habang sa kasabay na panahon ay tumutulong sa isang aprubadong pangkomunidad na organisasyong hindi-para-kumita.

Ang mga naghahanap ng trabaho na nasa pagitan ng 18 at 59 na taong gulang ay karapat-dapat para sa Voluntary Work.

Ang pagpupuwesto para sa Voluntary Work ay kailangang:

- magbigay pakinabang sa iyo bilang isang naghahanap ng trabaho, at sa komunidad, at hindi magkakaroon ng kikitain ang punong abalang organisasyon
- magbigay sa iyo bilang isang naghahanap ng trabaho ng pagkakataong magkaroon ng mga kasanayang direktang makapagpapabuti ng iyong mga pagkakataon para sa trabaho
- magbigay ng mga pagkakataong magpapaunlad o magpapahusay ng iyong kakayahang magtrabaho bilang bahagi ng pangkat, mabigyan ng gabay ng isang superbisor, magtrabaho nang nagsasarili at mahusay na makipagkomunikasyon at mapagbuti ang pagganyak at pagiging maaasahan

Ang malawak na hanay ng mga organisasyong hindi-para-kumita ay maaaring maging punong abala para sa mga naghahanap ng trabaho sa mga pagpupuwesto sa Voluntary Work. Maaaring kabilang sa mga ito ang:

- mga boluntaryong serbisyong pangkagipitan (katulad ng mga brigada ng bumbero sa kanayunan at mga serbisyong pangkagipitan ng estado)
- mga grupo o organisasyon na tumutulong sa madaling masaktang mga tao sa komunidad, katulad ng nakatatanda o mga taong may kapansanan
- mga paaralan at tindahan ng pagkain sa paaralan
- mga migrant resource centre
- mga organisasyong pangkomunidad
- mga panggrupong kilusan ng komunidad para sa kapaligiran (katulad ng Landcare, Waterwatch at mga grupo ng nanganganiib na mga uri ng hayop at halaman)
- mga serbisyong nauukol sa pagliligtas ng mga buhay sa kagubatan
- hindi-nagpapaupang mga grupong pampalakasan
- iba pang mga pagkakataon na pakikinabangan ng komunidad

Tandaan: maaaring kailanganin mong magkumpleto ng police check bago makapagtrabaho kasama ang mga tao sa nursing home o kasama o malapit sa mga bata.

Maaari kang abisuhan ng tagapagbigay-serbisyo ng Job Services Australia kung ang isang organisasyon ay magiging karapat-dapat para sa pagpupuwesto ng Voluntary Work.

### Sino ang maaaring lumahok?

Kung ikaw ay isang naghahanap ng trabaho na rehistrado sa isang tagapagbigay-serbisyo ng Job Services Australia, maaari kang lumahok sa Voluntary Work sa anumang oras. Kung ikaw at ang iyong tagapagbigay-serbisyo ng Job Services Australia ay nagkasundong makikinabang ka dito, ito ay magiging bahagi ng iyong Employment Pathway Plan (Plano para sa Pagkakaroon ng Trabaho).

Kung ikaw ay isang naghahanap ng trabaho na may Work Experience Activity Requirement (Pangangailangan para sa Gawaing nauukol sa Karanasang Pantrabaho) matutugunan mo ang pangangailangang ito sa pamamagitan ng pakikilahok sa Voluntary Work.

Kung ikaw ay isang naghahanap ng trabaho na kinakailangang magkumpleto ng Intensive Activity (Masinsinang Gawain), magagawa mo ito sa pamamagitan ng pakikilahok sa Voluntary Work. Aabisuhan ka ng iyong tagapagbigay-serbisyo ng Job Services Australia kung ikaw ay kinakailangang magkumpleto ng isang Intensive Activity.

Kung ikaw ay isang naghahanap ng trabaho na hindi nagnanais na gumawa ng Voluntary Work, dapat kang ilagay sa iba pang angkop na Gawaing nauukol sa Work Experience upang maisakatuparan ang iyong Work Experience Activity Requirement.

### Paano mag-aplay

Kung interesado kang lumahok sa Voluntary Work, dapat mong kontakin ang iyong tagapagbigay-serbisyo ng Job Services Australia upang makakuha ng karagdagang impormasyon.

### Ang iyong mga pananagutan

Kung ikaw ay tumatanggap ng Newstart, Youth Allowance (Panustos para sa Kabataan) o Parenting Payment (Kabarayan sa Pagiging Magulang) na may kinakailangang pakikilahok, kakailanganin mong maghanap ng trabaho at makilahok sa mga gawaing makatutulong sa iyo na makakuha ng trabaho.

Isaalang-alang ng iyong tagapagbigay-serbisyo ng Job Services Australia ang iyong personal na kalagayan at makikipagkasundo para sa naaangkop na mga gawaing isasama sa iyong Employment Pathway Plan (Plano para sa Pagkakaroon ng Trabaho).

Kung hindi mo kayang makilahok sa mga gawain, dapat mo itong talakayin sa iyong tagapagbigay-serbisyo. Kung ikaw ay nabigong tumupad sa iyong napagkasunduang mga gawain, maaaring maaapekto ito sa iyong mga kabayaranang suporta sa kinikita.

## Ang iyong karapatan sa pagiging pribado

Ang iyong personal na impormasyon ay protektado ng *Batas sa Pagiging Pribado 1988 (Privacy Act 1988)* at ang impormasyon tungkol sa iyo ay maaari ding maging protektado ng *Batas ng Social Security (Pang-administrasyon) 1999 (Social Security (Administration) Act 1999)* (gaya halimbawa, kung ikaw ay tumatanggap ng suporta sa kita). Ang iyong impormasyon ay maaaring ibahagi sa pagitan ng mga tagapagbigay-serbisyo ng Job Services Australia, ng Department of Education, Employment and Workplace Relations (DEEWR), Centrelink at iba pang mga kagawaran at kawanihan ng Pamahalaang Australia, na nagbibigay-daan upang ang mga organisasyon ay makapagbigay sa iyo sa pinakaangkop na mga serbisyo upang matugunan ang iyong mga pangangailangan.

Para sa karagdagang impormasyon tungkol sa iyong pagiging pribado magtanong sa iyong tagapagbigay-serbisyo ng Job Services Australia, DEEWR o bisitahin ang [privacy.gov.au](https://www.privacy.gov.au).

## Ang aming garantiya ng serbisyo para sa iyo

### Garantiya ng Serbisyo

Ikaw ay patuloy na tatanggap ng personal na mga serbisyong pantrabaho na hatid ng iyong tagapagbigay-serbisyo ng Job Services Australia. Ang mga serbisyong ito ay naaangkop sa iyong mga kalagayan at pinagmulan. Upang makita ang lahat ng mga Garantiya ng Serbisyo bisitahin ang [deewr.gov.au/jobservicesaustralia](https://www.deewr.gov.au/jobservicesaustralia).

### Mga Alituntunin ng Panunungkulan

Ang mga tagapagbigay-serbisyo ng Job Services Australia ay kinontrata upang maghatid ng mga serbisyong pantrabaho na pinondohan ng Pamahalaang Australia at sumang-ayon at nakalaang tumupad sa Mga Alituntunin ng Panunungkulan ng mga Serbisyong Pantrabaho (Employment Services Code of Practice). Upang makita ang Mga Alituntunin ng Panunungkulan bisitahin ang [deewr.gov.au/jobservicesaustralia](https://www.deewr.gov.au/jobservicesaustralia).

## Para sa karagdagang impormasyon

Tumawag sa 13 17 64 o bisitahin ang [deewr.gov.au/jobservicesaustralia](https://www.deewr.gov.au/jobservicesaustralia).